

**Արագածոտնի մարզպետ Դավիթ Գևորգյանի ուղերձը Հայոց բանակի 28-րդ
ամյակի առթիվ**

29.01.2020

Սիրելի՛

հայրենակիցներ,

Շնորհավորում եմ Հայոց բանակի օրվա առթիվ:

Հայ ժողովրդի նորագույն պատմության կարևորագույն ձեռքբերումներից մեկը Հայոց բանակն է, որը ձևավորվեց 28 տարի առաջ՝ մեզ համար ճակատագրական պահին:

Արցախյան ազատամարտի տարիներին ծնունդ առած հայկական բանակը մշտապես ապացուցել է իր հզոր և անպարտելի լինելը: Այսօր մենք խաղաղ ենք, քանի որ հերոսներ են իրենց կյանքը տվել մեր հայրենիքի համար:

Ռազմական գործին նվիրված թանկագին՝ զինվորականներ, ձեզանով են ամուր մեր հայրենիքի սահմանները: Ձեր անսպառ հայրենասիրությամբ, ռազմական հմտություններով դուք ապահովել և ապահովում եք Հայաստանի Հանրապետության և Արցախի Հանրապետության անվտանգությունը:

Մեր բանակն առավել հզորացնելու համար այսօր իրականացվում են բարեփոխումների լայնածավալ ծրագրեր՝ նոր սպառազինությունների ձեռքբերման, դիրքերի բարեկարգման, զինվորի սննդի, հագուստի, կենցաղային պայմանների բարելավման ուղղությամբ:

Շնորհավորում եմ բոլորիս, զինվորականներին մաղթում եմ բարի ծառայություն. խաղաղություն հայոց աշխարհին: